

賢愚因緣經卷第一

此卷之卷

盤一

雜譬喻經第一

梵天請法六事

如是我聞 一時佛在摩竭國善勝道場初始
得佛念諸衆生迷罔邪倒難可教化若我住
世於事無益不如還逝無餘涅槃尔時梵天

乙

知佛所念即從天下前詣佛所頭面禮足長
跪合掌勸請世尊轉于法輪佛答梵天衆生
之類塵垢所蔽樂著世樂無有慧心若我住
世唐勞其功如吾所念唯滅為快尔時梵天
復更傾側而白佛言世尊今日法海已滿法
幢已立潤濟開導今正是時又諸衆生應可
度者亦甚衆多云何世尊欲入涅槃使此萌
類永失覆護世尊往昔無數劫時恒為衆生
採集法藥乃至一偈以身妻子而用募求云
何不念便欲孤棄過去久遠於閻浮提有大
國王号修樓婆領此世界八万四千諸小國
邑六万山川八十億聚落王有二万夫人一

万大臣時妙色王德力無比覆育民物豐樂
無極王心念曰如我今者唯以財寶資給一
切無有道教而安立之此是我咎何其苦哉
今當推求堅實法財普令得脫即時宣令闇
浮提內誰能有法與我說者恣其所須不敢
違逆募出周遍無有應者時王憂愁酸切懇
惻毗沙門王見其如是欲往試之輒自變身
化作夜叉色貌青黑眼赤如血鉤牙上出頭
髮悉豎火從口出來詣宮門口自宣言誰欲
聞法我當為說王聞是語喜不自勝躬自出
迎前為作禮敷施高座請今就坐即集群僚
前後圍遶欲得聽聞尔時夜叉復告王曰學
法事難云何直尔欲得聞知王手曰一切
所須不敢有逆夜叉報曰若以大王可愛妻
子與我食者乃與汝法尔時大王以所愛夫
人及兒中勝者供養夜叉夜叉得已於高座
上衆會之中取而食之余時諸王百官群臣
見王如是啼哭懊惱宛轉在地勸請大王令

捨此事王爲法故心堅不迴時夜叉鬼食妻子盡爲說一偈

一切行無常 生者皆有苦 五陰空無相無有我我所

說是偈已王大歡喜心無悔恨大如毛髮即便書寫遣使班示闇浮提內咸使誦習時毗

盤一

二

王

沙門王還復本形讚言善哉甚奇甚特夫人太子猶存如故尔時王者今佛身是世尊昔日爲法尚余云何今欲便捨衆生早入涅槃而不救濟又復出尊過去久遠阿僧祇劫於闍浮提作大國王名虔闍尼婆梨典領諸國八万四千聚落二万夫人綵女一万大目王

有慈悲矜及一切人民蒙賴穀米豐饒咸佩王恩猶視慈父時王心念我今最尊位居豪首人民於我各各安樂雖復有是未盡我心今當推求妙寶法財以利益之思惟是已遣臣宣令遍告一切誰有妙法與我說者當給所須隨其意欲時有婆羅門名勞度差來詣

宮門云我有法王聞甚喜即出奉迎前爲作禮敷好牀縛請令就坐王與左右合掌白言唯願大師垂矜愚鄙開闡妙法令得聞知時勞度差復報王曰我之智慧追求遐方積學不易云何直尔便欲得聞王復報曰一切所須悉見告勅皆當供給勞度差曰大王今日能於身上剜燃千燈用供養者乃與汝說王聞此語倍用歡喜耶時遣人乘八千里象告語一切闇浮提內虔闍婆梨大國王者却後七日爲於法故當剜其身以燃千燈時諸小王一切人民聞此語已各懷愁毒悉來詣王到作禮畢共白之言今此世界有命之類依

盤一

三

恃大王如盲依導孩兒仰母王薨之後當何所怙若於身上剜千燈者必不全濟云何爲此一婆羅門棄此世界一切衆生是時宮中二万夫人五百太子一万大目合掌勸請亦皆如是時王報曰汝等諸人慎勿却我無上道心吾爲是事誓求作佛後成佛時必先度

汝是時衆人見王意正啼哭懊惱自投於地
王意不改語婆羅門今可剝身而然千燈尋
爲剜之各著脂炷衆會見已絕而復蘇以身
投地如大山崩王復白言唯願大師垂哀矜
採先爲說法然後燃燈我命儻斷不及聞法
時勞度差便唱法言

常者皆盡 高者必墮 合會有離 生者有死
說是偈已而便然火當此之時王大歡喜心
無悔恨自立誓願我今求法爲成佛道後得
佛時當以智慧光明照悟衆生結縛黑闇作
是誓已天地大動乃至淨居諸天宮殿動搖
咸各下視見於菩薩作法供養毀壞身體不
顧軀命僉然俱下側塞虛空啼哭之淚猶如
盛雨又雨天華而以供養時天帝釋下至王
前種種讚歎復問之曰大王今者苦痛極理
心中頗有悔恨事不王即言無帝釋復白今
觀王身戰掉不寧自言無悔誰當知之王復
立誓若我從始乃至於今心不悔者身上衆

瘡即當平復作是語已尋時平復時彼王者
今佛是也世尊往昔苦毒求法皆爲衆生今
者滿足云何捨棄欲入涅槃永使一切失大
法明又復世尊過去世中於閻浮提作大國
王名毗楞竭梨典領諸國八万四千聚落二
万夫人綵女五百太子一万大目王有慈悲
視民如子余時大王心好正法即時遣臣宣
令一切誰有經法爲我說者當隨其意給足
所須有婆羅門名勞度差來詣宮門言有大
法誰欲聞者我當爲說王聞此語喜不自勝
躬出奉迎接足爲禮問訊起居將至大殿敷
施高座請令就坐合掌白言唯願大師當爲
說法勞度差曰我之所知四方追學勞步積
年云何大王直爾欲聞王又手曰一切所須
幸垂勑及於大師所不敢有惜尋報王言若
能於汝身上擗千鐵釘乃與汝說王即可之
却後七日當辦斯事余時大王尋時遣人乘
八千里象遍告一切閻浮提內毗楞竭梨大

王却後七日當於身上揷千鐵釘目民間之
悉來雲集白大王言我等四遠承王恩德各
獲安樂唯願大王爲我等故莫於身上揷千
鐵釘余時宮中夫人緣女太子大目一切衆
會咸皆同時向王求哀唯願大王以我等故
莫爲一人便取命終孤棄天下一切衆生余

時國王報謝之曰我於久遠生死之中殺身
無數或爲貪欲瞋恚愚癡計其白骨高於須
弥斬首流血過於五江啼哭之淚多於四海
如是種種唐捐身命未曾爲法吾今揷釘以
求佛道後成佛時當以智慧利劍斷除汝等
結使之病云何乃欲遮我道心余時衆會默

然無言於時大王語婆羅門唯願大師垂恩
先說然後下釘我命儻然不及聞法時勞度
差便說偈言

一切皆無常 生者皆有苦 諸法空無主
說是偈已即於身上揷千鐵釘時諸小王群

盤一

臣之衆一切大會以身投地如大山崩宛轉
啼哭不識諸方是時天地六種震動欲色諸
天惟其所以僉然俱下見於菩薩困苦爲法
傷壞其身同時啼哭淚如盛雨又雨天華而
以供養時天帝釋來到王前而問王言大王
今者勇猛精進不憚苦痛爲於法故欲何所
求欲作帝釋轉輪王乎爲欲求作魔王梵王
王答之曰我之所爲不求三界受報之樂所
有功德用求佛道天帝復言今觀王身不能
自持言無悔恨以何爲證王尋立誓若我至
誠心無悔恨者我今身體還復如故作是語
已即時平復天及人民欣踴無量世尊今者
法海已滿功德悉備云何欲捨一切衆生疾
入涅槃而不說法

又復世尊過去久遠無量阿僧祇劫此閻浮
提有大國王名曰梵天王有太子字曇摩鉗
好樂正法遣使推求四方周遍了不能得余
時太子求法不獲愁悶懊惱時天帝釋知其

至誠化作婆羅門來詣宮門言我知法誰欲聞者吾當為說太子聞之即出奉迎捉足為禮將至大殿敷好牀座請令就坐合掌白言唯願大師垂愍為說婆羅門言學事甚難追師積久余乃知之云何直余便欲得聞理不可也太子復言大師所須願見告勑身及妻子一皆不惜婆羅門言汝今若能作大火坑令深十丈滿中熾火自投於中以供養者吾乃與汝余時太子即如其言作大火坑王及夫人羣臣嫁女聞是語已不能自寧咸悉都集詣太子宮諫諭太子曉婆羅門唯願慈愍以我等故勿令太子投於火坑若其所須國城妻子及與我身當為給使婆羅門言吾不相逼隨太子意能如是者我為說法不者不說觀其志固各自默然余時大王即遣使者乘八千里象宣告一切閻浮提內曇摩鉗太子為於法故却後七日身投火坑其欲見者宜早來會時諸小王四遠士民強弱相扶悉

皆雲集詣太子所長跪合掌異口同音白太子言我等諸目仰憑太子猶如父母今若投火天下喪父永無所怙願愍我曹莫為一人孤棄一切余時太子語衆人言我於久遠生死之中喪身無數人中為貪更相斬害天上壽盡失欲憂苦地獄之中火燒湯煮斧鋸刀戟灰河劙樹一日之中喪身難計痛徹心髓不可具陳餓鬼之中百毒鑽軀畜生中苦身供衆口負重食草苦亦難數空荷衆苦唐失身供養法故汝等云何復欲却我無上道心我捨此身為求佛道後成佛時當施汝等五分法身衆人默然是時太子立火坑上白婆羅門唯願大師為我說法我命儻終不及聞法時婆羅門即便為說此偈

常行於慈心 除去恚害想 大悲愍衆生
矜傷為雨淚 修行大喜心 同已所得法
救護以道意 乃應菩薩行

說是偈已便欲投火余時帝釋并梵天王各
捉一手而復難之間浮提內一切生類頗太
子恩莫不得所今若投火坑天下喪父何爲
自沒孤棄一切余時太子報謝天王及諸臣
民何爲遮我無上道心天及人衆即各默然
輒自弁身投於火坑天地大動虛空諸天同

盤一

七

時號哭淚如盛雨即時火坑變成華池太子
於中坐蓮華臺諸天雨華乃至於膝余時梵
天及帝釋等皆悉讚歎勤苦如此必成佛余
時大王今父淨飯王是余時母者今摩耶是
余時太子曇摩鉗者今世尊是余時如是求
法爲救衆生今已成滿宜當潤彼枯槁之類
云何便欲捨至涅槃不肯說法又復世尊過
士時仙人師名欝多羅恒思正法欲得修學
四方推求宣告一切誰有正法爲我說者隨
其所欲悉當供給有婆羅門來應之言吾有
正法誰欲聞者我當爲說時仙人師合掌白

言唯願矜愍垂哀爲說婆羅門言學法事難
久苦乃獲汝今云何直余欲聞於理不可汝
若至誠欲得法者當隨我教仙人白言大師
教勑不敢違逆尋即語曰汝今若能剥皮當
紙析骨爲筆血用和墨寫吾法者乃與汝說
時欝多羅聞此語已歡喜踊躍敬如來教即
時欝多羅聞此語已歡喜踊躍敬如來教即

剥身皮析取身骨以血和墨仰白之曰今正
是時唯願速說時婆羅門便說此偈

常當攝身行而不殺盜婬不兩舌惡口
妄言及綺語心不貪諸欲無瞋恚毒想
捨離諸邪見是爲菩薩行

說是偈已即自書取遣人宣寫間浮提內一
切人民咸使誦讚如說修行世尊余時如是
求法爲於衆生心無悔恨今者云何欲捨一
切入於涅槃而不說法又復世尊過去久遠
阿僧祇劫於間浮提作大國王名曰尸毗王
所住城号提婆拔提豐樂無極時尸毗王主
間浮提八万四千諸小國土六万山川八千

億聚落王有二万夫人綵女五百太子一万
大臣行大慈悲矜及一切時天王帝釋五德
離身其命將終愁憤不樂毗首羯摩見其如
是即前白言何爲慷慨而有愁色帝釋報言
吾將終矣死證已現如今世間佛法已滅亦
復無有諸大菩薩我心不知何所歸依是以

盤一

八

愁耳毗首羯摩白天帝言今閻浮提有大國
王行菩薩道名曰尸毗志固精進必成佛道
宜往投歸必能覆護解救危厄天帝復白若
是菩薩當先試之爲至誠不汝化爲鴿我變
作鷹急追汝後相逐至彼大王坐所便求擁
護以此試之足知真僞毗首羯摩復答天帝
菩薩大人不宜加苦正應供養不須以此難
事逼也余時帝釋便說偈言

我亦非惡心 如真金應試 以此試菩薩
知爲至誠不

說是偈已毗首羯摩自化爲鴿帝釋作鷹急
追鴿後臨欲捉食時鴿惶怖飛趣大王入王

腋下歸命於王鷹尋後至立於殿前語大王
言今此鴿者是我之食來在王邊宜速還我
我飢甚急尸毗王言吾本誓願當度一切此
來依我終不與汝鷹復言曰大王今者云度
一切若斷我食命不得濟如我之類非一切
耶王時報言若與餘肉汝能食不鷹即言曰

唯得新殺熱肉我乃食之王復念曰今求新
殺熱肉者害一救一於理無益內自思惟唯
除我身其餘有命皆自惜護即取利刀自割
股肉持用與鷹賀此鴿命鷹報王曰王爲施
主等視一切我雖小鳥理無偏枉若欲以肉
賀此鴿者宜稱使停王勑左右疾取稱來以

盤一

九

鉤鉤中兩頭施槃即時取鴿安著一頭所割
身肉以著一頭割股肉盡故輕於鴿復割兩
臂兩脇身肉都盡故不等鴿余時大王舉身
自起欲上稱槃氣力不接失跨墮地悶無所
覺良久乃蘇自責其心我從久遠爲汝所困

輪迴三界酸毒備嘗未曾爲福今是精進立

行之時非懈怠時種種責已自強起立得上
稱槃心中歡喜自以爲善是時天地六種震
動諸天宮殿皆悉傾搖乃至色界諸天同時
來下於虛空中見於菩薩行於難行傷壞軀
體心期大法不顧身命各共啼哭淚如盛雨
又雨天華而以供養尔時帝釋還復本形住
在王前語大王曰今作如是難及之行欲求
何等汝今欲求轉輪聖王帝釋梵王三界之
中欲求何等菩薩答言我所求者不期三界
尊榮之樂所作福業欲求佛道天帝復言汝
今壞身乃徹骨髓寧有悔恨意耶王言無也
天帝復曰雖言無悔誰能知之我觀汝身顫
掉不停言氣斷絕言無悔恨以何爲證王即
立誓我從始來乃至於今無有悔恨大如毛
髮我所求願必當果獲至誠不虛如我言者
令吾身體即當平復作誓已訖身便平復倍
勝於前天及世人歎未曾有歡喜踊躍不能
自勝尸毗王者今佛身是也世尊往昔爲於

衆生不顧身命乃至如是今者世尊法海已
滿法幢已立法鼓已建法炬已照潤益成立
今正得時云何欲捨一切衆生入於涅槃而
不說法尔時梵王於如來前合掌讚歎說於
如來先身求法爲於衆生凡有千首世尊尔
時受梵王請即便往詣波羅捺國鹿野苑中
轉于法輪三寶因是乃現於世時諸天人諸
龍鬼神八部之衆聞說是已莫不歡喜頂戴
奉行

摩訶薩埵以身施虎緣品第二

如是我聞一時佛在舍衛國祇樹給孤獨園
余時世尊乞食時到著衣持鉢獨將阿難入

盤一

城乞食時有一老母唯有二男偷盜無度財
主捕得便將詣王平事案律其罪應死即付
旃陀羅將至殺處遙見世尊母子三人俱共
向佛叩頭求哀唯願天尊垂濟苦厄救我子
命誠心欵篤甚可憐愍如來慈矜即遣阿難
詣王請命王聞佛教即便放之得脫此厄感

戴佛恩欣踴無量尋詣佛所頭面禮足合掌白言蒙佛慈恩得濟餘命唯願天尊慈愍我等聽在道次佛即可之告曰善來比丘鬚髮自墮身所著衣變成袈裟敬心內發志信益固佛爲說法諸垢永盡得阿羅漢道其母聞法得阿那含爾時阿難目見此事歎未曾有讚說如來若干德行又復諮嗟母子三人宿有何慶值遇世尊得免重罪獲涅槃安一身之中特蒙利益何其快哉佛告阿難此三人者非但今日蒙我得活乃往過去亦蒙我恩而得濟活阿難白佛不審世尊過去世中濟活三人其事云何佛告阿難乃往父遠阿僧祇劫此間浮提有大國王名曰摩訶羅檀那

晉言大寶典領小國凡有五千王有三子其第一者名摩訶富那第二名摩訶提婆

晉言大天次名摩訶薩埵此小子者少小行慈矜愍一切猶如赤子尔時大王與諸羣臣夫人太子出外遊觀時王疲憊小住休息其王三子共遊林

盤一

間見有一虎適乳二子飢餓逼切欲還食之其王太子語二兄曰今此虎者酸苦極理羸瘦垂死加復初乳我觀其志欲自取子二兄答言信如汝所云弟復問兄此虎今者當復何食二兄報曰若得新殺熱血肉者乃可其意又復問曰今頗有人能辦斯事救此生命令得存不二兄答言是爲難事時王小子內自思惟我於父遠生死之中捐身無數唐捨軀命或爲貪欲或爲瞋恚或爲愚癡未曾爲法今遭福田此身何在設計已定復共前行前行未遠白二兄言兄等且去我有私緣比余蹟後作是語已疾從本徑至於虎所投身虎前餓虎口噤不能得食尔時太子自取利木刺身出血虎得舐之其口乃開即取身肉二兄待之經久不還尋迹推覓憶其先心必能至彼餒於餓虎追到岸邊見摩訶薩埵死在虎前虎已食之血肉塗漫自墮墮地氣絕而死經於父時乃還蘇活啼哭宛轉迷憤悶

絕而復還蘇夫人睡眠夢有三鵠共戲林野鷹卒捉得其小者眠覺已驚怖向王說之我聞謠言鵠子孫者也今亡小鵠我可愛兒必有不祥即時遣人四出求覓未久之間二兒已到父母問言我可愛子今爲所在二兒哽噎隔塞斷絕不能出聲經于久時乃復出言

虎已食之父母聞此辟地悶絕而無所覺良父乃蘇即與二兒夫人婦女馳奔至彼死屍之處余時餓虎食肉已盡唯有骸骨狼藉在地母扶其頭父提其手哀號悶絕絕而復蘇如是經久時摩訶薩埵命終之後生兜率天即自生念我因何行來受此報天眼徹視遍觀五趣見前死屍故在山間父母悲悼纏綿痛毒憐其愚惑啼泣過甚或能於此喪失身命我今當往諫喻彼意即從天下住於空中種種言辭解諫父母父母仰問汝是何神願見告示天尋報曰我是王子摩訶薩埵我由捨身濟虎飢乏生兜率天大王當知有法歸

盤一

十一

無生必有終惡墮地獄爲善生天生死常塗今者何獨沒於憂愁煩惱之海不自覺悟熟修衆善父母報言汝行大慈矜及一切捨我取終吾心念汝荒塞寸絕我苦難計汝修大慈那得如是於時天人復以種種妙善偈句報謝父母父母於是小得惺悟作七寶函盛骨著中葬埋畢訖於上起塔天即化去王及大衆還自歸宮佛告阿難余時大王摩訶羅檀那者豈異人乎今我父闍頭檀是時王夫人我母摩訶摩耶是余時摩訶富那寢者今弥勒是第二太子摩訶提婆今婆修密多羅是余時太子摩訶薩埵豈異人乎我身是也余時虎母今此老母是余時二子今二人是我於父遠濟其急厄危頓之命令得安全吾今成佛亦濟彼厄令其永離生死大苦余時阿難一切衆會聞佛所說歡喜奉行

如是我聞一時佛在舍衛國祇樹給孤獨園二梵志受齋品三

如是我聞一時佛在舍衛國祇樹給孤獨園

尔時初夜有二天來詣於佛所大人身光耀祇洹皆如金色佛便隨宣演暢妙法心意開悟俱得道迹頭面禮佛還歸天上明日清朝阿難白佛昨夜二天來觀世尊威相暎著淨光赫奕昔種何德獲斯妙果佛告阿難迦葉如來滅度之後遺法垂末有二婆羅門受

盤一

十三

持八齋其一人者求願生天其第二人求作國王其第一人還歸其家婦呼共食夫答婦言向受佛齋過中不食婦復語曰君是梵志自有戒法何緣乃受異道之齋今若相違不共我飯當以斯事語諸梵志使驅擯汝不與會同聞此語已深懷恐怖便與其婦非時而食二人隨壽長短各取命終願作王者持齋完具得生王家願生天者由破齋故乃生龍中時有一人為王守園日日奉送種種菜蓏此人後時於泉水中得一異柰色香甚美便作是念我每出入常為門監所見前却當以與之如念即與門監受已復自思惟我通事

時每為黃門之所抽縮當以與之便用斯柰奉貢黃門黃門納竟轉上夫人夫人得柰復用獻王王食此柰甚覺甘美便問夫人從何處得夫人即時如實而對展轉相推到于園監王復召喚而問之曰吾園之中有此羨菜爾不見奉乃與他人園監於是本末自陳王復告言自今已後常送斯柰莫令斷絕園監啓曰此柰無種從泉中得勑使常送無由可辦王復告言若不能得當斬汝身園監還出至彼園中憂愁懊惱舉聲大哭時有一龍聞其哭音變身為人來問之言汝有何事悲哭乃余是時園監具自宣說龍還入水以多美菓著金盤上用與此人因告之言可持此菓以奉汝王并騰吾意云吾及王本是親友乃昔在世俱為梵志共受八齋各求所願汝戒完具得為人王吾戒不全生於龍中今欲奉修齋法求捨此身願索八關齋法用遺於我若其相違吾覆汝國用作大海園監於時奉

果於王曰復說龍所囑之變王聞此已甚用不樂所以者何時世無佛法又滅盡八關齋文今不可得若不稱之恐見危害惟念此理是故愁悒王有大目最所敬重王告目曰龍神從我求索齋法仰卿得之當用寄與大目對言今世無法云何可得王又告曰汝今不

盤一

十四

獲吾當殺卿大臣聞此甚懷惆悵往至自舍此臣有父年在耆舊每從外來和顏悅色以慰父意當於是時父見其子面色改常即便問之何由乃於時大臣便向其父委曲自說其父答曰吾家堂柱每現光明試破看之嘗有異物奉父言教令他施代取而斬折得

得須陀洹果永息三塗遊人天道從是已往畢得涅槃佛說是時一切衆會歡喜奉行波羅捺人身資供養品四

如是我聞一時佛在舍衛國祇樹給孤獨園是時國中有大長者生一男兒面首端正既生數日復能言語問其父母世尊在不答曰

盤一

十五

故在復更問曰尊者舍利弗阿難等悉為在不答言悉在父母見子生便能言謂其非人深惟所以便往問佛佛言此兒有相不足疑也父母歡喜還歸其家兒又啓曰唯願二親為我請佛及比丘僧父母告曰請佛及僧當須供具非卒可辦兒又啓曰但掃灑堂舍莊

嚴牀席施三高座百味飲食當自然至又我即持奉上於王王得歡喜不能自勝便以此經著金盤上自送與龍龍獲此經大用欣慶便用好寶贈遺於王受持入齋勤而奉行命終之後生於天宮人王亦復修奉齋法壽盡生天共同一處昨夜俱來諮稟法化應時尋在豐足佛為說法父及二母合家大小聞法

歡喜盡得初果此兒轉長便辭出家精勤正業獲致羅漢阿難白佛此沙門者宿種何德生於豪貴小而能苦又復學道逮得神通佛告阿難此人前身生波羅捺為長者子父亡沒後家業衰耗漸致貧窮雖值佛世無以供養念此不悅情不自釋便捨豪華以為客作終竟一歲索金千兩豪姓問曰卿欲妻娶耶答曰不也豪姓又問用金何為答曰欲用飯佛及於聖僧豪姓告曰若欲請佛吾當與金并為經營會於我舍貧者唯諾便設餚饍請佛及僧由此因緣命終之後生在長者家今復請佛聞法得道佛告阿難往昔貧人者今長者子沙門是也佛說此時一切衆會莫不歡喜頂戴奉行

海神難問船人品五

如是我聞一時佛在舍衛國祇樹給孤獨園尔時此國有五百賈客入海採寶自共議言當求明人用作導師便請一五戒優婆塞共

入大海既到海中海神變身作一夜叉形體醜惡其色青黑口出長牙頭上火燃來牽其船問估客曰世間可畏有過我者無賢者對曰更有可畏劇汝數倍海神復問何者是耶答曰世有愚人作諸不善殺生盜竊淫泆無度妄言兩舌惡口綺語貪欲瞋恚沒在邪見死入地獄受苦万端獄卒阿傍取諸罪人種種治之或以刀斫或以車裂分壞其身作數千段或復曰擣或復磨之刀山劍樹火車鑊并為經營會於我舍貧者唯諾便設餚饍請佛及僧由此因緣命終之後生在長者家今船進數里海神復更化作一人形體瘦瘠筋骨相連復來牽船問諸人言世間羸瘦有劇我者無賢者答言有羸瘦甚劇於汝海神復問誰復劇耶賢者答曰有愚癡人心性弊惡慳貪嫉妒不知布施死墮餓鬼身大如山咽如針鼻頭髮長亂形體黑瘦數千万歲不識水穀如是之形復劇於汝海神放船沒而不

現船行數里海神復更化作一人極爲端正復來牽船問諸商賈人之美妙有與我等者無賢者答曰乃有勝汝百千万倍海神復問誰爲勝者賢者答曰世有智人奉行諸善身口意業恒令清淨信敬三寶隨時供養其人命終生於天上形貌皎潔端正無雙殊勝於汝數千万倍以汝方之如瞎猕猴比彼妙女海神取水一掬而問之曰掬中水多海水多耶賢者答曰掬中水多非海水多也海神重問汝今所說爲至誠不賢者答曰此言真諦不虛妄也何以明之海水雖多必有枯竭劫欲盡時兩日並出泉源池流悉皆旱澀三日出時諸小河水悉皆枯乾四日出時諸大江海悉皆消竭五日出時大海稍減六日出時三分減二七日出時海水都盡須弥崩壞下至金剛地際皆悉燃燒若復有人能以信心以一掬水供養於佛或用施僧或奉父母或自貪窮給與舍歡此之功德歷劫不盡以此

言之知海爲少掬水爲多海神歡喜即以珍寶用贈賢者并寄妙寶施佛及僧時諸賈客即與賢者採寶已足還歸本國是時賢者五百賈客咸詣佛所稽首佛足作禮畢已各持寶物并海神所寄奉佛及僧悉皆長跪叉手白佛願爲弟子稟受清化佛尋可之善來比丘鬚髮自落法衣在身佛爲說法應適其情即時開悟諸欲都淨得阿羅漢時諸會者聞佛所說皆大歡喜頂戴奉行

恒伽達品六

如是我聞一時佛在羅閱祇竹園精舍是時國中有一輔相其家大富然無兒子時恒河邊有摩尼跋羅天祠合土人民皆悉敬奉時此輔相往詣祠所而禱之言我無子息承聞天神功德無量救護羣生能與其願今故自歸若蒙所願願賜一子當以金銀校飾天身及以名香塗治神室如其無驗當壞汝廟宇塗灑身天神聞已自思惟言此人豪富力勢

盤一

十七

強盛非是凡品得爲其子我德渺少不能與願願若不果必見毀辱廟神復往白摩尼跋羅摩尼跋羅其力不辦自詣毗沙門王啓白此事毗沙門言亦非我力能使有子當諸天帝從求斯願毗沙門王即時上天啓帝釋曰我有一呂摩尼跋羅近日見語云玉金城有一輔相從其求子結立重誓若願得遂倍加供養所願若違當破我廟而毀辱之彼人豪俠必能如是幸望天王令其有子帝釋答曰斯事至難當覓因緣時有一天五德離身臨命欲盡帝釋告曰卿今垂終可願生彼輔相之家天子答言意欲出家奉修正行若生尊榮離俗則難欲在中流冀遂所志帝釋復曰但往生彼若欲學道吾當相佐天子命終降神受胎輔相之家即便受生形貌端正即召相師爲其立字相師問曰本於何處求得此兒輔相答曰昔從恒河天神求之因爲作字爲恒伽達年漸長大志在道法便啓父母求

索出家父母告曰吾今富貴產業弘廣唯汝一子當嗣門戶遭吾存活終不相聽兒不從志深自惆悵便欲捨身更求凡處於中求出必極易也於是密去自墜高巖既墮在地無所傷損復至河邊投身水中水還漂出亦無所苦復取毒藥而吞嚥之毒氣不行無由致死復作是念當犯官法爲王所殺值王夫人及諸婦女出宮到園池中洗浴皆脫衣服置林樹間時恒伽達密入林中取其服飾抱持而出門監見已將往白阿闍世王王聞此事瞋恚隆盛便取弓箭自手射之而箭還返正向王身如是至三不能使中王怖投弓問彼人言卿爲是天龍鬼神乎恒伽達言賜我一願乃敢自陳王曰當與恒伽達言我非是天亦非龍鬼是王舍國輔相之兒我欲出家父母不聽故欲自殺更生餘處投巖赴河飲毒不死故枉王法望得危命王今加害復不能傷事情如是何酷之甚願見顧愍聽我爲道

王尋告曰聽汝出家學道因復將之共到佛所啓白世尊如向之事於時如來聽爲沙門法衣在體便成比丘佛爲說法心意開暢成羅漢道三明六通具八解脫阿闍世王尋白佛言此恒伽達者先世之時種何善根投山不死墮水不溺食毒無苦箭射無傷加遇聖

盤一

十九

尊得度生死佛告王曰乃往過去無數世時有一大國名波羅捺其王名梵摩達將諸宮人林中遊戲諸妓女輩激聲而歌外有一人高聲和之王聞其聲便生瞋怒遣人捕來勑使殺之時有大臣從外邊來見此一人而被囚執便問左右何緣乃余其傍諸人具列事

狀臣曰且停待我見王大臣進入啓白王言彼人之罪不至深重何以殺之雖和其音而不見形旣無交通姦婬之事幸願垂矜勿其生命王不能違赦不刑戮其人得脫奉事大臣勤謹無替如是承給經歷多年便自思惟姪欲傷人利於刀劍我之困厄皆由欲故即

語大臣聽我出家遵修道業大臣答曰不敢相違學若成道還來相見即詣山澤專思妙理精神開悟成辟支佛還來城邑造大臣家大臣歡喜請供養之甘餚妙服四事無乏時辟支佛於虛空中現神變化身出水火放光明大臣見之欣然無量便立誓願由吾恩

故命得全濟使我世世富貴長壽殊勝奇特數千万倍令我智德相與共等佛告王言時彼大臣救活一人令得道者今恒伽達是由是因緣所生之處命不中天今值我時逮致應真佛說此已諸在會者信敬歡喜頂受奉行須聞提品七

如是我聞一時佛在羅閱祇竹園精舍余時世尊而與阿難著衣持鉢入城乞食時有老人老母兩目旣冥貧窮孤苦無止住處止宿門下唯有一子年始十歲常行乞食以供養父母得好菓菜其美好者供養父母餘殘酸澀臭穢惡者便自食之余時阿難見此小兒

雖爲年小恭敬孝順心懷愛念佛乞食已還到精舍。余時世尊爲諸大衆演說經法。阿難於時長跪叉手前白佛言。向與世尊入城分衛見一小兒慈心孝順共盲父母住城門下東西乞食所得之物飯食菜果其美好者先以供養其老父母。破敗臭穢極不好者便自

盤一

二十

食之日日如是甚可愛敬佛語阿難出家在家慈心孝順供養父母計其功德殊勝難量。所以者何我自憶念過去世時慈心孝順供養父母乃至身肉濟活父母危急之厄。以是功德上爲天帝下爲聖主乃至成佛三界特尊皆由斯福。阿難白佛不審世尊過去世時慈孝父母不惜身命能以身肉濟救父母危嶮之命其事云何。佛告阿難諦聽善念我當說之。阿難唯然當善聽之。佛告阿難乃往過去無量無數阿僧祇劫此閻浮提有一大國名特叉尸利。余時有王名曰提婆。時彼國王有十太子各領諸國。最小太子字修婆提羅。

致善住^{晉言}所領國土人民觀望最爲豐樂。時父王邊有一大臣名曰羅睺。每懷亢逆叛殺大臣王。大王已死攝正爲王即遣兵衆往詣諸國殺諸太子。此最小者鬼神所敬時入園中欲行觀看有一夜叉從地而出長跪白言羅睺大臣叛殺父王遣諸兵衆殺汝諸兄今復遣人欲來殺汝王可思計避其禍難時王聞之心用惶怖到於其夜便思計校而欲突去時有一兒字須闍^{晉言}提善生方年七歲端正聰黠甚爲可愛其王愛念出復來還而抱此兒悲泣歎息其婦見王入出惶惶即而問之何以忽忽如恐怖狀其夫答言非卿所知婦復牽之我今與汝身命共并危險相隨莫見捐捨今有何事當以告示其王答言我近入園有夜叉鬼從地而出長跪白我羅睺大臣今興惡逆已殺父王遣諸兵衆殺汝諸兄今亦遣兵當來殺王宜可避之我聞是語心懷恐怖但恐兵衆如是來到是故急疾欲得去耳其

盤一

廿一

婦長跪即白王言願得隨侍莫見孤棄時王
即便將婦抱兒相將而去欲至他國時有二
道一道七日一道十四日初發惶懼唯作七
日糧調規俟一人而已既已出城其心憤錯
乃涉十四日道已經數日糧食乏盡飢餓迷
荒無餘方計憐愛其子即欲殺其婦而欲自
濟并用活兒令婦在前擔兒而行於後拔刀
欲殺其婦時是還顧見父拔刀欲殺其母兒
便又手曉父王言唯願大王寧殺我身勿害
我母懸慙諫王救其母命而語父言莫絕殺
我稍割食之可經數日若斷我命肉便臭爛
不可經久於是父母欲割兒肉啼哭懊惱而

去兒便立願我今身肉供養父母持是功德
用求佛道普濟十方一切衆生使離衆苦至
涅槃樂發是願時三千世界六反震動色欲
諸天而皆愕然不知何故宮殿動搖即以天
眼觀於世間而見菩薩以身之肉供養父母
願成佛道誓度衆生以是之故天地大動於
是諸天皆悉來下側塞虛空悲泣墮淚猶如
盛雨時天帝釋來欲試之化作乞兒來從其
乞持手中肉復用施之即化作師子虎狼來
欲啖之其兒自念此諸禽獸欲食我者我身
餘殘骨肉髓腦悉以施之心生歡喜無有悔
恨尔時天帝見其執志心不移動還復釋身
住其兒前而語之曰如汝慈孝能以身肉供
養父母以是功德用求何等天帝魔王梵天
王耶兒即答言我不願求三界快樂持此功
德用求佛道願度一切無量衆生天帝復言
汝能以身供養父母得不悔恨於父母耶其
一分并殘肌肉眼舌之等悉以施之於是別

盤一

九二

毛髮天帝復言我今視汝身肉已盡言不悔恨是事難信其兒答言若無悔恨我願當成佛者使我身體平復如故言誓已竟身即平

復時天帝釋及餘諸天異口同音讚言善哉其兒父母及國中人皆到兒所歎未曾有時彼國王見其太子所作奇特倍加恭敬歡喜

無量將其父母及其太子入宮供養極爲恭敬哀此太子時彼國王躬將軍馬共善住王及須闍提太子還至本國誅滅羅睺立作大王父子相繼其國豐樂遂致太平佛語阿難爾時善住者今現我父淨飯王是爾時母者今現我母摩訶摩耶是爾時須闍提太子者今我身是佛語阿難由過去世慈心孝順供養父母以持身肉濟父母厄緣是功德天上人中常生豪尊受福無量緣是功德自致作佛爾時衆會聞佛自說宿世本緣余時會者皆各悲歎感佛奇特慈孝之行其中有得須陀洹者斯陀含者阿那含者阿羅漢者有發

無上正真道者有住不退地者一切衆會皆大歡喜頂戴奉行

廿二末

賢愚因緣經卷第一

盤一

蔽必反祭酸切上蘇反懇惻下昌反矜居陵佩蒲殊牀縛厚下音愚鄙下彼反剗烏官恃音薨兄弘怙

戶戰掉下徒反毗楞登反椽卓憚音憚徒且摩鉗巨斧鋸上音申反戟居逆反擊鑽子官枯槁

考兼斧鋸下音據反捺國上代反剥皮上必反慨苦愛腋音股肉

果解內上音也枉紝古反剗篤上音失跨下定反口噤下其

禁反餒糴反塗漫下莫反撲蒲角角反詮言上魚反躋地

哀號下音悲悼惺悟上息反昞著上益反赫奕上許客反驅擯下必反拙縮上羊反鵠

客上正作賈劇奇逆煙沃一反消瘦上音弊

涸下音祭反咽如煙上音皎潔上皎暗音掬許剖音旱

勺二同祠音渺少上音息嗣音漂音跋

反酷

苦篤反

溺奴的

刑戮

六音叛

畔黠

下闋

反愕然

上吾各反

惶懼

下其反

規俟

上均亦反

反愕然

上吾各反

賢愚因緣經卷第二 盤二

元魏沙門慧覺在高昌郡譯

波斯匿王女金剛緣品第八

如是我聞一時佛在舍衛國祇樹給孤獨園
爾時波斯匿王最大夫人名曰摩利時生一
女字波闍羅晉言金剛仲明其女面貌極爲醜惡肌體

鹿澁猶如馬皮頭髮鹿強猶如馬毛王觀此
女無一喜心便勑宮內懃意守護勿令外人
得見之也所以者何此女雖醜形不似人然
是末利夫人所生此雖醜惡當密遣人而護
養之女年轉大任當嫁處時王愁憂無餘方
計便告吏臣卿往惟覓本是豪姓居士種者

今若貧乏無錢財者便可將來吏即如教即
往推覓得一貧窮豪姓之子吏便喚之將至
王所王得此人共至屏處具以情狀向彼人
說我有一女面狀醜惡欲求嫁處未有儔類
聞卿豪族今者雖貧當相供給幸卿不逆當
納受之時長者子長跪白言當奉王勑正使
大王以狗見賜我亦當受何況大王遺體之
女今設見賜奉命納之王即以女妻彼貧人
爲起宮殿舍宅門閣令有七重王勑女夫自
捉戶鑰若欲出行而自閉之我女醜惡世所
未有勿令外人覩見面狀常牢門戶幽閉在
內王出財貨一切所須供給女婿使無乏短
王即拜授以爲大臣其人所有財寶饒益與
諸豪族共爲課會月月爲更會同之時夫婦
俱詣男女雜會共相娛樂諸人來會悉皆將
婦唯彼大臣恒常獨詣衆人疑恠彼人婦者
儻能端正暉赫絕曜或能極醜不可顯現是
以被人故不將來今當設計往觀彼婦即各